

四庫全書

史部

欽定四庫全書

史部

皇清職貢圖卷三

臣 永瑤 恭 校

檢 討 臣 德 生 覆 勘

總校官編修 臣 王 燕 緒

校對官待詔 臣 胡 士 震

謄錄監生 臣 徐 煦 新

繪圖謄錄 臣 羅 善 徵

欽定四庫全書

皇清職貢圖卷三

鄂倫綽

以下
關東

鄂倫綽婦

奇楞

奇楞婦

庫野

庫野婦

費雅喀

費雅喀婦

恰喀拉

恰喀拉婦

七姓

七姓婦

赫哲

赫哲婦

羅源縣畬民

以下福建省

羅源縣畬民婦

古田縣畬民

古田縣畬民婦

臺灣縣大傑嶺等社熟番

臺灣縣大傑嶺等社熟番婦

鳳山縣放線等社熟番

鳳山縣放線等社熟番婦

諸羅縣諸羅等社熟番

諸羅縣諸羅等社熟番婦

諸羅縣蕭壠等社熟番

諸羅縣蕭壠等社熟番婦

彰化縣大肚等社熟番

彰化縣大肚等社熟番婦

彰化縣西螺等社熟番

彰化縣西螺等社熟番婦

淡水廳德化等社熟番

淡水廳德化等社熟番婦

淡水廳竹塹等社熟番

淡水廳竹塹等社熟番婦

鳳山縣山猪毛等社歸化生番

鳳山縣山猪毛等社歸化生番婦

諸羅縣內山阿里等社歸化生番

諸羅縣內山阿里等社歸化生番婦

彰化縣水沙連等社歸化生番

彰化縣水沙連等社歸化生番婦

彰化縣內山生番

彰化縣內山生番婦

淡水右武乃等社生番

淡水右武乃等社生番婦

永綏乾州等處紅苗

以下湖南省

永綏乾州等處紅苗婦

靖州通道等處青苗

靖州通道等處青苗婦

安化寧鄉等處徭人

安化寧鄉等處徭婦

寧遠等處箭桿徭人

寧遠等處箭桿徭婦

道州永明等處頂板徭人

道州永明等處頂板徭婦

永順保靖等處土人

永順保靖等處土婦

鄂倫綽



鄂倫綽婦



寧古塔之東北海島一帶唐書所云少海之北
三面阻海人依嶼散居有魚鹽之利者人有數
種鄂倫綽其一也在近海之多羅河強黔山游
牧男女皆披髮跣足以養角鹿捕魚為生所居
以魚皮為帳性懦弱歲進貂皮

奇楞



奇楞婦



奇楞在寧古塔東北二千餘里亨滾河等處性
強悍以捕魚打牲為業男女衣服皆鹿皮魚皮
為之無書契其土語謂之奇楞話歲進貂皮

庫野



庫野婦



庫野居東海島之稚丹達里堪等處男則雞頂
心以前之髮而蓄其後長至肩即截去草笠布
衣綴紅布卅字於肩臂間亦有衣魚皮者性好
鬪出必懷利刃婦女幼時即以針刺唇用烟煤
塗之土語謂之庫野話歲進貂皮

費雅喀



費雅喀婦



費雅喀在松花江極東沿海島散處以漁獵為
生男女俱衣犬皮夏日則用魚皮為之性悍好
鬪出入常持兵及歲進貂皮

恰喀拉

欽定四庫全書

欽定四庫全書

十三



恰喀拉婦

卷三



恰喀拉散處於渾春沿東海及富沁岳色等河
男女俱於鼻旁穿環綴寸許銀銅人為飾男以
鹿皮為冠布衣跣足婦女則披髮不笄而襟袪
間多刺繡紋其屋廬舟船俱用樺皮俗不知網
罟以叉魚射獵為生性游惰無蓄積土語謂之
恰喀拉話歲進貂皮

七娃



七姓婦

卷三



七姓在三姓之西二百餘里之烏扎拉洪科等處性多淳樸地產菽麥雖知耕種而專以漁獵為生遇冬月冰堅則足踏木板溜冰而射其婦女亦善伏弩捕貂衣帽多以貂為之土語謂之烏迪勒話歲進貂皮

赫哲

欽定四庫全書

皇清職官圖

十七



赫哲婦

卷三



赫哲所居與七姓地方之烏扎拉洪科相接性
強悍信鬼怪男以樺皮為帽冬則貂帽狐裘婦
女帽如兒褰衣服多用魚皮而緣以色布邊綴
銅鈴亦與鎧甲相似以捕魚射獵為生夏航大
舟冬月冰堅則乘冰牀用犬挽之其土語謂之
赫哲話歲進貂皮

羅源縣畬民



羅源縣雷民婦



福州府屬羅源等縣畬民即粵之徭人福建通志云汀徭人與虔漳潮潯接壤以槃藍雷為姓又連江志畬民五溪槃瓠之後也桂海虞衡志謂之徭今居羅源者祇藍雷二姓相為婚姻或云海南民藍奇雷聲隨王審知入閩因居羅源村中然不可考其習俗誠樸與土著無異無首長統轄多在荒僻山巔結茅為屋男女相助力作采薪捕魚以供食用男椎髻短衣荷笠攜鋤

婦挽髻蒙以花布間有戴小冠者貫綠石如數
珠垂兩鬢間圍裙著履其服多以青藍布

古田縣畬民



古田縣畬民婦

卷三



古田畬民即羅源一種散處縣之上洋等村以
耕漁為業竹笠草履勤於負擔婦以藍布裹髮
或戴冠狀如狗頭短衣布帶裙不蔽膝常荷鋤
跣足而行以助力作

臺灣縣大傑嶺等社熟番



臺灣縣大傑嶺等社熟番婦



臺灣自古不通中國

本朝始入版圖番民有生熟二種聚居各社如內地之村落不設土司衆推一人約束其大傑嶺等社熟番編竹木為牆屋蓋以茅茨土基甚高入室必以梯男剪髮束以紅帛衣用布二幅聯如半臂垂尺許于肩肘腰圍花布寒衣曰縵披其長覆足婦衣亦然俱以銅鐵環束兩腕或疊至數十各縣社番多有之嚼米為酒恒攜黃梨

以佐食男女相悅即野合府志稱各社終身依
婦以處贅壻即為子孫歲輸丁賦七十餘兩其
新港卓猴二社舊屬諸羅今改隸臺灣縣治

鳳山縣放繚等社熟番




鳳山縣放繚等社熟番婦

卷三



放繚等社熟番相傳為紅毛種類康熙三十五年歸化其人善耕種地產香米男以鹿皮蔽體或披氊蔽衣女著衣裙喜懸螺貝于項間腕束銅環而跣足捕鹿必聽鳥音以占得失婚娶名曰牽手女及笄構屋獨居番童以口琴挑之喜則相就遇吉慶輒艷服簪野花連臂踏歌名曰番戲疾病不事醫藥用冷水浴之茹藤力力等社皆然歲輸丁賦三百四十九兩零

諸羅縣諸羅等社熟番



諸羅縣諸羅等社熟番婦

卷三



諸羅山社相傳亦紅毛種類風俗物產與鳳山
放線等社相似男番首插雉尾以樹皮績為長
衫夏常裸體女盤髮綴小珠覆以布帕項圍白
螺珊瑚為飾又男番喜穿耳納竹圈於中漸易
大者久之將垂及肩乃實以圓木或嵌螺錢各
縣社番多有之諸羅社在縣西其打猫社他里
霧社柴裏社俱在縣北

諸羅縣簫壠等社熟番



諸羅縣簫壠等社熟番婦



諸羅縣南曰簫壠社曰加溜灣社曰麻豆社曰
哆咯咽社服飾大略與諸羅等社同男以竹片
束腰曰籐肚欲其漸細能截竹為簫長二三尺
以鼻吹之歲時婦女多以糍餌相餽餉又按府
志哆囉咽社男女成婚後俱折去上齒各二彼
此謹藏蓋亦終身不改之意云凡諸羅縣各社
歲輸丁賦一百八十餘兩

彰化縣大肚等社熟番



彰化縣大肚等社熟番婦

卷三



彰化縣屬土番濱海倚山種類蕃雜共五十社
其大肚等社番皆以漁獵為業善鏢箭竹弓竹
矢傳以鐵鏃亦勤耕作番婦則攜飲食餉之暇
日或至縣貿易

彰化縣西螺等社熟番



彰化縣西螺等社熟番婦



西螺等社熟番居處服飾與大肚等社相似其
人趨捷束腹奔走接遞文移官給以餼番婦常
挈子女赴縣用穀帛相貿易凡彰化縣各社歲
計輸丁賦四百六十三兩零

淡水廳德化等社熟番



淡水廳德化等社熟番婦

卷三



淡水廳以臺防同知駐劄故名德化蓬山吞霄
中港四社在同知所駐竹塹城之北其地濱洋
下濕結茅成屋或以板為之飯以黍米滷浸魚
蝦供饌男婦皆短衣腰圍幅布并力耕作亦事
漁獵暇則吹竹笛彈竹琴以為樂

淡水廳竹塹等社熟番



淡水廳竹塹等社熟番



竹塹城為臺防同知駐劄之地竹塹社在城北
五里其南坎社淡水內外社俱在城南甚遠風
俗與德化等社相似男剪髮齊額或戴竹節帽
素衣繡緣如半臂下體圍花布婦盤髻約以朱
繩衣亦如男常攜葫蘆汲水蒸黍凡淡水各社
熟番俱與通事貿易歲輸丁賦二百六十餘兩
皮稅一兩餘

鳳山縣山猪毛等社歸化生番



鳳山縣豬毛等社歸化生番婦



生番在山谷中深林密箐不知種類鳳山等縣
皆有之山猪毛等社於康熙五十五年雍正二
年先後歸化共七十四社自立土目約束其居
擇險隘處疊石片為屋無異穴處男女披髮裸
身或以鹿皮蔽體富者偶用番錦嗶嘰之屬能
績樹為布亦知耕種黍稷喜啖薯蕷見親朋以
鼻相就為敬婚姻則歌唱相合而成時挾弓矢
鏢槍捕獐鹿以其肉向民人易鹽布釜甌歲輸

皮稅二十餘兩

諸羅縣內山阿里等社歸化生番



諸羅縣內山阿里等社歸化生番婦



內山阿里等社自康熙二十二年歸化擇其語
音頗正者為通事番人皆依山穴土以居飲食
衣服與山猪毛等社相似不諳耕作惟植薯蕷
於石罅挾弓矢獵獐鹿以佐食足趾若雞爪履
險如平地歲輸丁賦三十餘兩

彰化縣水沙連等社歸化生番



彰化縣水沙連等社歸化生番婦



水沙連及巴老遠沙里興等三十六社俱於康熙雍正年間先後歸化其地有大湖湖中一山聳峙番人居其上石屋相連能勤稼穡多麥豆蓋藏饒裕身披鹿皮績樹皮橫聯之間有著布衫者番婦掛圓石珠於項自織布為衣善織罽染五色狗毛雜樹皮陸離如錦婚娶以刀斧釜鐺之屬為聘雖通舟楫不至城市或赴竹脚寮社貿易歲輸穀十五石三斗皮稅四兩三錢

彰化縣內山生番



彰化縣內山生番婦



內山生番居深山窮谷人跡罕到巢居穴處茹
毛飲血裸體不知寒暑登峰越箐捷若猿猴善
鏢箭發無不中秋深水涸之候常至近界鏢射
鹿麋遇內地人輒加戕害番婦針刺兩頤如網
中紋亦能績樹皮為屨

淡水石武乃等社生番



淡水右武乃等社生番婦



淡水同知屬內山右武乃等社生番倚山而居
男女俱裸或聯鹿皮緝木葉為衣食生物性剛
很以殺為事隆冬草枯水涸追射麋鹿攀援樹
木趨捷如飛其竹塹東南內山生番俗亦相等

永綏乾州等處紅苗



永綏乾州等處紅苗婦



按文獻通考苗古三苗之裔又杜氏通典長沙
黔中五溪蠻皆盤瓠種今苗類不一然考三苗
自舜時已徙之三危而苗人至今多祀盤瓠為
祖永綏等處之紅苗歷代不通聲教雍正八年
六里紅苗歸誠特分設永綏同知以理之苗居
多依山嶺刀耕火種男蓄髮去鬚衣綴錫片領
帶俱尚紅故名紅苗出入佩刀婦髻插銀梳衣
短衫繫繡裙俗尚鬼每亥子兩月殺牛祭神婚

姻以唱歌相悅而成嫁時母送女往索銀始歸
謂之娘錢賦稅有秋糧雜糧按戶均輸

靖州通道等處青苗



靖州通道等處青苗婦

卷三



青苗靖州通道綏寧城步各屬皆有之習俗與
紅苗略同而性情較淳以服色俱尚青黑故名
青苗男子勤力作時荷擔趨墟婦髻插木梳不
著裙袴能繡蠻錦花巾所居多在深山密箐中
間有與居民雜處者

安化寧鄉等處徭人



安化寧鄉等處徭婦



徭人裔出於苗因其不事徭役故別稱曰徭亦
名獞徭其在湖南者聚處安化寧鄉武岡淑浦
山谷間環紆千餘里與苗分類歷代反覆無常
本朝以來咸知向化有平地高山二種平地徭雜
居州邑耕讀與民無異高山徭阻山憑險所種
多黍菽或伐竹樹易穀而食男女俱以花帛抹
額繫錦兜於胸前每稼穡登場後治酒延賓擊
長鼓吹蘆笙男女跳舞而歌名曰跳歌其賦稅

與齊民一體輸納

寧遠等處箭桿徭人



寧遠等處箭桿狃婦



箭桿猺乃猺人中的一種因其用竹箭為簪長
尺餘或七枝五枝三枝不等插於髻故以為名
男女喜著青藍短衣緣以深色其居處風俗悉
與猺人同

道州永明等處頂板搖人



道州永明等處頂板狃婦



頂板猺道州永明江華等處皆有此種男椎髻
長簪女盤髻向後橫頂木板一片兩端綴珠繫
以紅繩結之領下故名之曰頂板猺其居處風
俗俱與苗猺相似

永順保靖等處土人




永順保靖等處土婦



土人先本苗裔自唐以蠻中大姓彭氏冉氏分
土管轄始有土人之名歷代反覆不常時勤勸
撫明時始授永保等土司為宣慰使

國初一如明制嗣因土官貪暴雍正二年改土歸
流添設永順府治土人咸登衽席矣其地山多
田少刀耕火種男花布裹頭足著草履女椎髻
向後衣裙俱短婚禮以一牛餽女之外家謂之
骨種錢婦勤於紡織土綾土布民間亦多資之

賦稅各邑折徵秋糧自數十兩至數百兩不等



皇清職貢圖卷三